

Zeitschrift: L'ami du patois : trimestriel romand
Band: 13 (1985)
Heft: 50 [i.e. 49]

Artikel: On mo din yerdza d'la yan'na
Autor: Paodze
DOI: <https://doi.org/10.5169/seals-241338>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 14.04.2026

ETH-Bibliothek Zürich, E-Periodica, <https://www.e-periodica.ch>

ON MO DIN YERDZA D'LA YAN'NA

No no chin rêtrovao la demindze 14 d'avri, du mi-dzoa, on cabarè dè l'Union, à La Dzâ, dè la pao d'la Yan'na ke chè tirè pri dè la Vevéje. No no l'in chin jon èch'tra bin rèchu pè Moncheu Dèbyu - Brodao è cha fèna, lè novi carbatyé. No no lin chin conta on'na thincantan'na.

L'è nouthron préjidan, Ferdinan Râ, dè Machounin ke l'a menao lou trin, hyancao dè cha checrètéra, Alice Daohyon, et dè nouthron bochâ, Francis Morel, dè Méjîre achebin. On bè dè la traobia, nouthron préjidan d'oneu, Léon L'Omou, è cha fèna, ke chè trâvon tantou à Lojena, tantou à Tsathounâya.. Ma chon totèvi inke.

Alice no j'a yè on to galé protocole, keman chè dâ in patâ, è nouthron bochâ Morel tin tan bin chè contou ke no j'an pao lou câ dè lin lè rëfoujao. E pu, n'in d'a pou keman li po pyèthi din bilyè dè tonbola è po conta chan ke chè trâvè dan lou tsapi. Fô dre chan ke l'è ! L'è achebin y'on k'aomè ridaman tsantao, keman ti hon dè Méjîre. No j'an ti bin tapao din man po lè j'incoradji.

Moncheu Râ chè betao in catrou po menao chon n'afére : bayi la parola on dzudzou Tsanmartin, député d'la pao don Dzibya, po fére à kinji hon ke l'an pao liji d'acutao, po dèmandao on profècheu d'la compagni dè fére on bocon l'écoûla chu lou subjonctif : y fô ke....., fudrin ke..... l'arin fayu ke....., l'é fan ke.... è to chan ke vin apri. Pu lè duvè batolyè, Marie è Guchtine no j'an fin à rire.

No j'an rè de ke nouthron n'amicale l'a 25 an, è ke no j'in rè paorlèrin; ke no fudrè alao à Sierre po la fitha remande, è in Colon-bètè po l'athinbyaoye cantonale dè l'an'naoye don patâ; è no cherin rè à la Montagne dè Luchi, in novembre , po medzi d'la tsanbèta.

To chan po no rëdzolyi è provao ke no, lè Yèrdza d'la Yan'na no tignin à nouthron viyou dèvejao, ke no volin lou mantigni; ke no dèvejîchan couètsou ou gruvèrin, no chin mé tyè din fraorè, din bèchon. Fô ke chan chè chatsichè achebin !

Paodze